



REPubLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË KOSOVËS / OPŠTINA KOSOVO POLJE
MUNICIPALITY OF FUSHË KOSOVË/KOSOVO POLJE



Datë: 30.07.2026

DREJTORIA PËR KULTURË, RINI DHE SPORT

Në mbështetje të Ligjit për Vetëqeverisje Lokale Nr. 03/L-040, Statutit të Komunës së Fushë Kosovës Nr. 98, i datës 17.08.2012, Rregullores (MF) Nr. 04/2017 mbi Kriteret, Standardet dhe Procedurat e Financimit Publik të OJQ-ve, si dhe Rregullores (K.FK) Nr. 83, datë 14.06.2013, për Ndarjen e Subvencioneve, Drejtoria për Kulturë, Rini dhe Sport shpall këtë:

THIRRJE PUBLIKE

Për ofrimin e mbështetjes financiare publike për financimin e projekt-propozimeve, programeve të OJQ-ve dhe nismave të Individëve në Komunën e Fushë-Kosovës.

Drejtoria për Kulturë, Rini dhe Sport në Komunën e Fushë Kosovës u bën thirrje të gjitha organizatave joqeveritare (të regjistruara në divizionin e OJQ-ve) dhe individëve (krijues të pavarur, artistë, sportistë etj.) që veprimtarinë e tyre e zhvillojnë në Komunën e Fushë Kosovës, të aplikojnë për mbështetje financiare për fazën e parë (I) të vitit 2026.

Klubet, shoqatat, OJQ-të dhe individët në përputhje me këtë thirrje publike mund të aplikojnë me projekt-propozime që do të kontribuojnë në avancimin dhe fuqizimin në këto fusha:

KULTURË

Art vizual dhe arte pamore (fuqizimi i artistëve të rinj, instalime në hapësira publike, ekspozita, botimi i katalogëve); Veprimtari botuese (mbështetje për krijuesit e verifikuar letrarë); Manifestime (shënimi i datave historike, kulturore dhe festave kombëtare e ndërkombëtare); Promovimi i trashëgimisë kulturore.

RINI

Promovimi i vullnetarizmit, integrimi i grupeve rinore dhe atyre të marginalizuara, fushatat vetëdijësuese, si dhe edukimi joformal e trajnimi i të rinjve.

SPORT

Masivizimi i sportit për të rinj, përkrahja e qëndrueshme financiare për sportistët dhe klubet, ngritja e nivelit profesional, turnetë në sporte të ndryshme, kultivimi i vlerave fisnike të sportit dhe avancimi i sportit ndër femra.

Vlera totale e planifikuar e thirrjes për vitin 2026-të është 400,000.00 Euro. Shuma minimale e mbështetjes financiare që mund të alokohet për çdo projekt nga OJQ-të është 500.00 Euro, ndërsa shuma maksimale është 8,000.00 Euro.

- Klubet, shoqatat, OJQ-të dhe individët mund të aplikojnë vetëm me **një (1)** projekt në kuadër të kësaj thirrjeje.
- Periudha e zbatimit të projektit duhet të jetë minimumi një (1) muaj dhe maksimumi gjashtë (6) muaj.
- Aplikantët duhet t'i kenë kryer transaksionet financiare sipas legjislacionit në fuqi, në përputhje me rregullat e kontabilitetit, si dhe të kenë përmbushur detyrimet e mëparshme ndaj Drejtorisë për Kulturë, Rini dhe Sport dhe të gjithë ofruesve të tjerë të mbështetjes financiare publike.
- Të drejtë aplikimi për projektet e tyre kanë klubet, shoqatat, OJQ-të dhe individët që janë të regjistruar në Regjistrin e Organizatave Joqeveritare në Republikën e Kosovës dhe të cilët veprojnë në Komunën e Fushë-Kosovës para datës së publikimit të kësaj thirrjeje publike.

Propozimet duhet të dorëzohen vetëm në formularët e paraparë sipas **Udhëzuesit për Aplikim**, të cilët janë në dispozicion në uebfaqen zyrtare të komunës: www.komunaefushekosoves-rks.org

Kërkesat për sqarime dhe çështje të tjera që lidhen me aplikimin mund të bëhen vetëm në mënyrë elektronike në adresën: agron.breznica@rks-gov.net, jo më vonë se 3 ditë pune para mbylljes së thirrjes publike.

Afati për dorëzimin e propozimeve për mbështetje financiare hapet më datë 30.07.2026 dhe përfundon më datë 19.08.2026.

Vërejtje: Klubet, shoqatat dhe OJQ-të përfituese të mbështetjes financiare obligohen të dorëzojnë raportin narrativ dhe financiar me dëshminë e faturave të rregullta shoqëruar me kuponë fiskalë, si dhe dëshmitë e pagesave të pagave dhe kontributeve, 15 ditë pas përfundimit të projektit.

Sqarim i rëndësishëm: Klubet, shoqatat dhe OJQ-të, të cilat nuk kanë përmyllur raportimin për subvencionet e viteve paraprake, nuk kanë të drejtë të përfitojnë nga subvencionet e Komunës së Fushë Kosovës në këtë thirrje.

Lista e dokumenteve të detyrueshme të thirrjes publike:

Për individë:

1. Kopja e letërnjoftimit.
2. Vërtetimi/konfirmimi i llogarisë bankare (nuk pranohet kopje e kartelës bankare).
3. Formulari i projekt-propozimit.
4. Formulari i propozim-buxhetit.
5. Deklaratë për financimin e dyfishtë. (Formularët 11 & 13)

Për OJQ / Klube / Shoqata:

1. Formulari i projekt-propozimit (*i shkarkuar online dhe i plotësuar*).
2. Formulari i propozim-buxhetit (*i shkarkuar online dhe i plotësuar*).
3. Kopja e certifikatës së regjistrimit të OJQ-së. (*Në CD vendoset në formatin .pdf*)
4. Kopja e certifikatës së numrit fiskal. (*Në CD vendoset në formatin .pdf*)
5. Vërtetimi i llogarisë bankare të organizatës (nuk pranohet kopja e kartelës bankare).
6. Vërtetimi i Administratës Tatimore të Kosovës (ATK) që dëshmon se organizata nuk ka borxhe tatimore.
7. Letërkonfirmimi nga Departamenti për OJQ në kuadër të MPB-së që subjekti është aktiv.
8. Deklaratë për financimin e dyfishtë. (*Formularët 11 & 13*)

Mënyra e dorëzimit:

Të gjitha dokumentet e cekura më lart duhet të përgatiten në **dy kopje fizike** (origjinale) dhe **një kopje elektronike** (në CD). Të gjitha këto (kopjet fizike dhe CD) duhet të vendosen në një zarf të mbyllur. Formularët duhet të plotësohen përmes kompjuterit.

Aplikacionet mund të dorëzohen drejtpërdrejt në Zyrën e Pritjes, ose përmes postës në adresën:

**Komuna e Fushë Kosovës, 12000, Rr. Tahir Zemaj, Objekti i Komunës,
Departamenti i DKRS-së.**

Aplikacionet që nuk e kanë dokumentacionin e kompletuar do të diskualifikohen. Dokumentet nuk pranohen pas mbylljes së afatit të thirrjes publike.

Ana e jashtme e zarfit duhet të përmbajë këto të dhëna:

- Emrin e thirrjes publike.
- Emrin dhe adresën e plotë të aplikuesit.
- Emrin e plotë të projektit.
- Mbishkrimin: "Mos e hap para hapjes zyrtare".

Drejtori për Kulturë, Rinë dhe Sport -

Komuna e Fushë Kosovës

Ylber Kelmendi

